

# People plus

## FO LESPWAR, FO PROMES- RESET LOPOZISYON

L'amazonite lepep in vote dan en eleksyon ki ti zis e lib, pour Prezidan James Michel ek Parti Lepep kontinyen travay pour devlop Sesel. Napa okenn lafreyer e konfizyon swivan sa eleksyon.

Parti Lepep in montre son rezilyans e kapasite, donk i napa okenn ensekirite ki lepep pa deryer li. Parti i konnen ki i for e ranpli ek lenerzi pour travay pour lepep. I

napa letan pour anbet dimoun ek fo lespwar, fo promes dan lans zis pour kit siporter la. Se bann politisyen egois, e ki dan dezespwar ki bezwen toultan pretann.

Parti Lepep napa letan ni pour mannigans bann fason pour kree konfizyon parey nou war en lopoziyon nanryen fer, pe kontinyelman fer dan nou pei, avek bi kree leskiz pour anbet zot siporter, e zistifye larzan

zot bann met.

Parti Lepep in montre son rezilyans e i pli determinen kont tou son bann adverser, e nou repete tou son bann adverser, enkli tou sa ki'n siport lopoziyon finansyerman, avek bi destabiliz Sesel. Dimoun ki ranpli ek laenn ek lazalouzi i rankinen e konn zis detrir. Sanzman ki zot pe koz lo la se vann Sesel ek Seselwa pour zot ranpli zot pos.

**KI  
SANZ-  
MAN  
ZOT  
POU  
FER ?**

(VWAR P2)

# ZOT ZALOU TRAVAY PREZIDAN MICHEL

**I**sagrinan ki laplipar Seselwa, sirtou bann dimoun ordiner ki'n vot pour lopoziyon pa ni menm realize ki zot vot in ganny servi pour vann avek serten dimoun ki ti annan lanbisyon pour fer Seselwa dan son mazorite travay ti boy, soumet, manz a penn en repa par zour, parey pandan lepok kolonyal. Zot in swiv banyer lopoziyon, e les bann tret, pran zot vot, e dan linoans fer zot esey

vann Sesel avek bann ki annan lazalouzi ki Sesel anba direksyon James Michel in pran en plas enportan dan lemond. Sesel in vin sa bizou dan Losean Endyen. Sesel in vin en lenspirasyon pour lemond. Eski zot krwar ki tou sa politisyen dan lopoziyon i kontan war Seselwa reste dan en zoli lakaz, annan en biznes, e transpor ? Seselwa, nou pa en pep ki naiv. Nou pa abitye les nou ganny anbete.

Parey dan lavi toulezour,

en dimoun ki fer bokou sikse, gras a son travay dir, i fer fas avek bokou defi. Prezidan Michel ek son Vis-Prezidan Danny Faure ti en tim dinamik e kosto dan eleksyon 2015 me zot dinamizm e travay dir, in fer zot vin lanvi serten ki'n servi tou fason, pour sey tir zot, e vann Sesel ek sa pep avek bann ki voras pou vwar e ki zalou prosperite e repitasyon Sesel ek son bann dirizan. Eski zot konnen ki i ankor ekgziste endividi dan sa

pei ki ankor krwar ki sa pep dan son mazorite tro fay pour sa kalite lavi ki sa parti atraver son gouvrenman pe fer zot viv ? Annou reveye dan sa sonmey e ouver nou lizeye.

Sa detrwa politisyen Seselwa dan lopoziyon ki'n sey vann nanm sa pep pou rann kont sa pep en zour. Zot zistwar zot-menm ki pou rakonte. Larzan pou rann zot fou, akoz zot konsyans pou sarze !

# KI SANZMAN ZOT POU FER ?

**K**i sanzman ki lopoziyon i Koule fer dan Sesel ? Nou pa krwar ki siporter lopoziyon i vremen konnen ki zot oule dan Sesel. Tandis ki bann politisyen lopoziyon zot oule zis tir sa gouvrenman pour zot ganny en

sans vin ranpli zot pos. Bann siporter lopoziyon ti dir, les li, les Wavel ganny en kou, si i pa bon nwa tir li !

Kimanyer zot ti pe mazin tir Wavel ? Lekel ki perdi, Wavel ? Klerman Sesel avek Wavel pou

fait- kimanyer siporter lopoziyon ti pe mazin sov Sesel apre sa ? Lekel ki ti pou anmas sa lour ? Parti Lepep ? Nou krwar la sa voyaz zot ti pou sante

**« Msye Sel sov nou. »**